



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

02.10.2020թ.

**Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԳԲՔԱ-ԼՕ-2020/104**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Լ. Անանիկյանի

Պատվիրատու՝ ՀՀ կրթության, գիտության, մշակույթի և սպորտի նախարարություն
Բողոք բերող՝ «Նավասարդ Շինարար» ՍՊԸ

Մասնակցությամբ՝

«Նավասարդ Շինարար» ՍՊԸ-ի ներկայացուցիչ՝ Ա. Աբգարյանի,

Գնման ընթացակարգի ծածկագիրը և առարկան՝

«ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթ, կրթական
օբյեկտների (Ավավերդու թիվ 5 ավագ դպրոց) հիմնանորոգման աշխատանքների
ձեռքբերում

ՀՀ գնումների հետ կապված բողոքներ քննող անձը (այսուհետ՝ նաև Բողոքներ
քննող անձ)՝ քննության առնելով «Նավասարդ Շինարար» ՍՊԸ-ի (այսուհետ նաև՝
Ընկերություն) կողմից 17.09.2020թ.-ին ներկայացրած բողոքը (այսուհետ՝ նաև Բողոք) և կից
փաստաթղթերը,

Պ Ա Ր Զ Ե Ց

1. Գործի նախապատմությունը

Դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է՝ պարտավորեցնել «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթի գնահատող հանձնաժողովին՝

- դադարեցնել 10.09.2020թ.-ի նիստի թիվ 2-րդ արձանագրության 7.1-րդ, 8.1-րդ և 8.3-րդ կետերով կայացված որոշումները,

- կիրառել կարգի 41-րդ կետով սահմանված դրույթները՝ ծանուցել «Նավասարդ Շինարար» ՍՊԸ-ին առաջարկելով շտկել հրավերով սահմանված անհամապատասխանությունները:

Բողոքներ քննող անձին բողոքը մակագրվել է 17.09.2020թ.-ին:

18.09.2020թ.-ին կայացված որոշմամբ բողոքը ընդունվել է վարույթ, տրվել է թիվ ԳԲԲԱ-ԼՕ-2020/104 համարի ծածկագիրը և հրապարակվել է www.gnumner.am կայքում:

25.09.2020թ.-ին և 02.10.2020թ.-ին նշանակվել են նիստեր:

Գործի քննությունն ավարտվել է 25.09.2020թ.-ին և Բողոքներ քննող անձի որոշման հրապարակման օր է նշանակվել 02.10.2020թ.-ին:

2. «Նավասարդ Շինարար» ՍՊԸ-ի ներկայացրած փաստերը, հիմնավորումները և պահանջը.

«Նավասարդ Շինարար» ՍՊԸ-ն 17.09.2020թ.-ին ներկայացրած բողոքով հայտնել է հետևյալը.

«ՀՀ կրթության, գիտության, մշակույթի և սպորտի նախարարության (այսուհետք նաև՝ Պարվիրատու) կարիքների համար 19.08.2020 թվականին հայտարարվել է թիվ «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթ «Ալավերդու Ար. Շահումյանի անվան թիվ 5 ավագ դպրոց» ՊՈԱԿ-ի սանհանգույցների և փանիքի (այդ թվում ինժեներական կոմունիկացիաների և շինարարական էլեմենտների) հիմնանորոգման և նորերի կառուցման աշխատանքների ձեռքբերման նպատակով:

Ընթացակարգին ի թիվս մյուս մասնակցի հայր է ներկայացրել նաև «ՆԱՎԱՍԱՐԴ ՇԻՆԱՐԱՐ» ՍՊԸ-ն (այսուհետք նաև Ընկերություն):

Հայտերի բացումը տեղի է ունեցել armeps.am համակարգի միջոցով 04.09.2020 թվականին ժամը 16:00-ին:

Ընթացակարգի գնահատող հանձնաժողովի (այսուհետ նաև Հանձնաժողով) 10.09.2020թ.-ի ժամը 16:00-ին տեղի ունեցած նիստի թիվ 2-րդ արձանագրության 7.1-րդ կետով արձանագրվել է, որ «ՆԱՎԱՍԱՐԴ ՇԻՆԱՐԱՐ» ՍՊԸ-ի կողմից հայտով ներկայացված երաշխիքի բնօրինակը հրավերով սահմանված կարգով և ժամկետում մինչև 07.09.2020 թվականի ժամը 17:00-ն չի ներկայացվել նախարարություն, ինչը չի համապատասխանում ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի «ե» պարբերության պահանջներին և համաձայն հրավերի 4.3 կետի 3-րդ ենթակետի հիմք է հանդիսանում հայտերը մերժելու համար: Արձանագրության 8.1-րդ կետի համաձայն՝ հանձնաժողովը հիմք ընդունելով արձանագրության 7.1-րդ կետը «ՆԱՎԱՍԱՐԴ ՇԻՆԱՐԱՐ» ՍՊԸ-ի հայտը գնահատել է անբավարար և մերժել հրավերով սահմանված պահանջներին չհամապատասխանելու հիմքով: Նույն արձանագրության 8.3-րդ կետով ընթացակարգը հայտարարվել է չկայացած:

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք: Կարգի 26-րդ կետի 9-րդ ենթակետի համաձայն գնահատող հանձնաժողովի անդամը պատասխանատվություն է կրում իր որոշումների, այդ թվում իր կողմից հաստատված փաստաթղթերի, պահանջների, ինչպես նաև գնման ընթացակարգի հաղթողին որոշելու հիմնավորվածության համար:

«Նորմատիվ իրավական ակտերի մասին» ՀՀ օրենքի 41-րդ հոդվածի 1-ին մասի համաձայն նորմատիվ իրավական ակտի նորմը մեկնաբանվում է՝ հաշվի առնելով նորմատիվ իրավական ակտն ընդունելիս այն ընդունող մարմնի նպատակը ելնելով

դրանում պարունակվող բառերի և արտահայտությունների տառացի նշանակությունից, ամբողջ հոդվածի, գլխի, բաժնի կարգավորման համարեքստից, այն նորմատիվ իրավական ակտի դրույթներից, ի կաաարումն որի ընդունվել է սդդ ակար, տվյալ նորմատիվ իրավական ակտով սահմանված սկզբունքներից, իսկ այդպիսի սկզբունքներ սահմանված չլինելու դեպքում՝ տվյալ իրավահարաբերությունը կարգավորող իրավունքի ճյուղի սկզբունքներից:

«ՀՀԿԳՄՍՆՀԲՄԱՇՁԲ-20/11» ծածկագրով ընթացակարգի (հետայսու նաև՝ ընթացակարգ) հրավերի ՄԱՍ 1-ի 7.1-դ կետի մասնակիցը հայտով՝ սույն հրավերով սահմանված կարգով ներկայացնում է հայտի ապահովում:

Հայտի ապահովումը ներկայացվում է բանկային երաշխիքի (հավելված 3) կամ կանխիկ փողի ձևով, որի չափը հավասար է մասնակցի գնային առաջարկի հինգ տոկոսին: Ընդ որում, եթե մասնակիցը հայտի ապահովումը ներկայացրել է սույն կետով սահմանված չափից ավելի, ապա հայտը համարվում է հրավերի պահանջներին բավարարող և ենթակա չէ մերժման:

Ընթացակարգի հրավերի ՄԱՍ 2-ի 2.4 կետի հայտի ապահովում, որը ներկայացվում է կանխիկ փողի կամ բանկային երաշխիքի ձևով (հավելված N 3): Ընդ որում հայտով ներկայացվում է կանխիկ փողի վճարումը հավաստող բնօրինակ փաստաթղթից կամ բանկային երաշխիքի բնօրինակից արտատրված (սկանավորված) ընթեռնելի տարբերակը: Եթե հայտի ապահովումը ներկայացվում է բանկային երաշխիքի ձևով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտատրված (սկանավորված) տարբերակը պայմանով, որ դրա բնօրինակը գնահատող հանձնաժողովին ներկայացնում է մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն ուղեկցող գրությամբ:

Ընկերությունը սահմանված կարգով armeps.am համակարգի միջոցով ընթացակարգին ներկայացված հայտի փաթեթում կցել է նաև հայտի ապահովման սկանավորված տարբերակը, որից ուղղակիորեն հետևում է, որ ունի նաև հայտի ապահովման բնօրինակը ու եթե հանձնաժողովը գտնում էր, որ Ընկերությունը հրավերով սահմանված ժամկետում չի ներկայացրել հայտի ապահովման բնօրինակը, ապա ինչու չի տրամադրել շտկման հնարավորություն, այլ փոխարենը մերժել է հայտը դեռ ավելին, նիստի արձանագրություն 2-ի 8.2 կետով որոշում է կայացրել համապատասխան հիմքերը ուղարկել

«Ֆինանսների նախարարություն Ընկերությանը գնումների գործընթացին մասնակցելու հրավույնք չունեցող մասնակիցների ցուցակում ներառելու նպատակով:

Համաձայն Կարգի 40-րդ կետի 4-րդ ենթակետի հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ հրավերի պահանջների նկատմամբ ներառյալ այն դեպքերը, երբ հայտում ներառված Հայաստանի հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին առաջարկելով մինչև կասեցման ժամկետի ավարտը շտկել անհամապատասխանությունը:

Ելնելով վերոնշյալ փաստական հանգամանքներից գտնում ենք, որ Կարգի 40-րդ և 41-րդ կետերը ուղղակիորեն սահմանում են արձանագրված անհամապատասխանությունը շտկելու անթույլատրելիություն հայտում ներառվող միայն մեկ փաստաթղթի համար գնային առաջարկի ընդ որում, այն էլ որոշ բացառություններով:

Վերը նշված կետի իմաստից բխում է, որ մնացած բոլոր դեպքերում հայտում ներառվող փաստաթղթերում արձանագրված անհամապատասխանություններն ենթակա են շտկման, ուստի փոխառված դեպքում հանձնաժողովի կողմից Ընկերության հայտը անբավարար գնահատելու և մերժելու մասին կայացված որոշումը ոչ իրավաչափ է, քանի որ չի բխում Կարգի 41-րդ կետի սահմանված պահանջներից:

«Ը գնումների հետ կապված բողոքներ քննող անձի կողմից արդեն իսկ քննվել է նույնաբովանդակ ընթացակարգեր և բողոքներ, օրինակ թիվ ՍՑ-ԼՕ-2020/96 ընթացակարգի վրաբերյալ կայացված որոշմամբ գնումների հետ կապված բողոքներ քննող անձը մասնավորապես արձանագրել է հետվեյալը (նեկայացվում է համառոր):

«Հանձնաժողովի 28.02.2020թ. -ի նիստի թիվ 5 արձանագրության համաձայն՝ հիմք ընդունելով Ընթացակարգի հրավերի 1-ին մասի 8.10 կետը, հանձնաժողովը 23.03.2020թ.-ին «Երէներգո» ՓԲԸ-ի հայտը գնահատել է անբավարար և մերժել է, քանի որ Մասնակիցը

հրավերով սահմանված ժամկետում չի ներկայացրել հայտի ապահովման բնօրինակը: Ելնելով վերոնշյալ փաստական հանգամանքներից, դրանց իրավական նորմերի հետ համադրման արդյունքում Բողոքներ քննող անձը փաստում է, որ Կարգի 41-րդ կետը ուղղակիորեն սահմանում է արձանագրված անհամապատասխանությունը շրկելու անթույլատրելիություն հայտում ներառվող միայն մեկ փաստաթղթի համար գնային առաջարկի ընդ որում որոշ բացառություններով: Սույն կետի իմաստից բխում է, որ մնացած բոլոր դեպքերում հայտում ներառվող փաստաթղթերում արձանագրված անհամապատասխանություններն ենթակա են շրկման, ուստի փոխալ դեպքում գնահատող հանձնաժողովի կողմից «Երէնդո» ՓԲԸ-ի հայտը անբավարար գնահատելու ե մերժելու մասին կայացված որոշումը ոչ իրավաչափ է և չի բխում Կարգի 41-րդ կետի սահմանված պահանջներից, քանի որ Երաշխիքի բնօրինակ տարբերակը Կարգով սահմանված ժամկետում չներկայացնելու պարագայում Հանձնաժողովը պետք է մեկ աշխատանքային օրով կասեցներ նիստը և դրա մասին էլեկտրոնային եղանակով ծանուցեր վերջինիս առաջարկելով մինչև կասեցման ժամկետի ավարտը շրկել անհամապատասխանությունը, ինչի արդյունքում Հանձնաժողովի կողմից խախտվել է Կարգի 41-րդ կետը....»

Օրենքի 50-րդ հոդվածի 7-րդ մասի 1-իե կետի համաձայն՝ «Հ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունել հետևյալ որոշումները, ա. արգելելու կատարել որոշակի գործողություններ և ընդունել որոշումներ, բ. պարտավորեցնելու ընդունել համապատասխան որոշումներ, ներառյալ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:»:

Վերոգրյալների հիման վրա, Ընկերությունը Բողոքներ քննող անձից խնդրել է՝ պարտավորեցնել «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթի գնահատող հանձնաժողովին՝

- դադարեցնել 10.09.2020թ.-ի նիստի թիվ 2-րդ արձանագրության 7.1-րդ, 8.1-րդ և 8.3-րդ կետերով կայացված որոշումները,

- կիրառել կարգի 41-րդ կետով սահմանված դրույթները՝ ծանուցել «Նավասարդ Շինարար» ՍՊԸ-ին առաջարկելով շտկել հրավերով սահմանված անհամապատասխանությունները:

3. ՀՀ կրթության, գիտության, մշակույթի և սպորտի նախարարության կողմից բողոքի վերաբերյալ ներկայացված փաստարկները, հիմնավորումները և դիրքորոշումը.

Բողոքներ քննող անձը 18.09.2020թ.-ին թիվ /ԲՔԱ-ԼՕ/2/14175-2020 գրությամբ դիմել է ՀՀ կրթության, գիտության, մշակույթի և սպորտի նախարարությանը (այսուհետ նաև՝ Պատվիրատու), հնարավորություն տալով «Նավասարդ Շինարար» ՍՊԸ-ի կողմից 17.09.2020թ.-ին ներկայացված բողոքի վերաբերյալ ներկայացնել անհրաժեշտ բոլոր փաստաթղթերի պատճեններն ու Պատվիրատուի գրավոր կարծիքը:

Պատվիրատուն ստանալով գրավոր դիրքորոշում հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացել հրավիրված նիստերին:

Պատվիրատուն 22.09.2020թ.-ին ներկայացված թիվ 08.1//25393-2020 գրությամբ ներկայացված գրավոր դիրքորոշմամբ հայտնել է հետևյալը.

«Ի պատասխան Ձեր 2020թ սեպտեմբերի 18-ի թիվ ԲՔԱ-ԼՕ/2/14175-2020 գրության՝ կից ներկայացնում եմ «Նավասարդ Շինարար» ՍՊԸ-ի բողոքի վերաբերյալ պահանջվող փաստաթղթերը:

Միաժամանակ տեղեկացնում եմ, որ 04.09.2020թ գնահատող հանձնաժողովի կողմից «Նավասարդ Շինարար» ՍՊԸ-ի հայրը մերժվել է, քանի որ վերջինիս կողմից հայրով ներկայացված երաշխիքի բնօրինակը հրավերով սահմանված կարգով և ժամկետում՝ մինչև 07.09.2020թ ժամը 17:00-ն, չի ներկայացվել նախարարություն:

Ինչ վերաբերում է մասնակցի ներկայացված դիմում-բողոքում նշված պնդմանը, որ հայրի ապահովման բնօրինակը ժամկետում չներկայացնելու պարագայում իրեն պետք է տրվեր անհամապատասխանության շտապ հնարավորություն, ապա այն չի համարվում հայրում արձանագրված անհամապատասխանություն և մասնակցի հայրը գնահատելիս գնահատող հանձնաժողովը առաջնորդվել է ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 32-րդ կետի 1-ին մասի «ե» պարբերությամբ, ըստ որի եթե հայրի ապահովումը ներկայացվում է բանկային երաշխիքի ձևով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտարտված (սկանավորված) փարբերակը՝ պայմանով, որ դրա բնօրինակը գնահատող հանձնաժողովին ներկայացնում է մինչև հայրերի ներկայացման վերջնաժամկետը լրանալուն հաջորդող աշխատանքային օրվա երևանի ժամանակով

17:00-ն՝ ուղեկցող գրությամբ և Կարգի 42-րդ կետով, ըստ որի մասնակցի հայտը գնահատվում է անբավարար և մերժվում է, եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը:»:

4. ԳԲՔԱ-LO-2020/104 բողոքի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. ՀՀ կրթության, գիտության, մշակույթի և սպորտի նախարարության (այսուհետ նաև՝ Պատվիրատու) կողմից կրթական օբյեկտների (Ալավերդու թիվ 5 ավագ դպրոց) հիմնանորոգման աշխատանքների ձեռքբերման նպատակով 19.08.2020թ.-ին հայտարարվել է «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթ (այսուհետ նաև՝ Մրցույթ կամ Ընթացակարգ):

ii. Մրցույթի հայտերի ներկայացման և հայտերի բացման վերջնաժամկետ է սահմանվել 04.09.2020թ.-ի ժամը 16:00 ներառյալ, որին մասնակցելու նպատակով հայտ է ներկայացրել «Նավասարդ Շինարար» ՍՊԸ-ն:

iii. Մասնակիցը թիվ 1 հավելվածով՝ գնման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթ հրավերով սահմանված մասնակցության իրավունքի պահանջներին և հրավերի պահանջներին համապատասխան ներկայացնում է հայտ:

iv. «Նավասարդ Շինարար» ՍՊԸ-ն «ՀՀԿԳՄՍՆՀԲՄԱՇՁԲ-20/11» ծածկագրով գնման ընթացակարգին մասնակցության հայտ ներկայացնելիս՝ որպես հայտի ապահովում, գնահատող հանձնաժողովին է ներկայացրել «Կոնվերս Բանկ» ՓԲԸ-ի կողմից 03.09.2020թ.-ին տրամադրված բանկային երաշխիքի (այսուհետ նաև՝ Երաշխիք) բնօրինակից արտատպված (սկանավորված) տարբերակը:

v. Ընթացակարգի գնահատող հանձնաժողովի (այսուհետ նաև՝ Հանձնաժողով) 04.09.2020թ.-ի նիստի թիվ 2 արձանագրության 7.1-րդ կետի համաձայն՝ «Նավասարդ Շինարար» ՍՊԸ-ի կողմից հայտով ներկայացված երաշխիքի բնօրինակը հրավերով սահմանված կարգով և ժամկետով՝ մինչև 07.09.2020թ.-ը ժամը 17:00-ն, չի ներկայացվել

Պատվիրատուին, ինչը չի համապատասխանում ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 1-ին ենթակետի «ե» պարբերության պահանջներին և համաձայն Մրցույթի հրավերի 4.3-րդ կետի 3-րդ ենթակետի՝ հիմք է հանդիսանում հայտը մերժելու համար:

vi. Նույն արձանագրության 8.1-րդ և 8.3-րդ կետերի համաձայն՝ Հանձնաժողովը, հիմք ընդունելով նույն արձանագրության 7.1-րդ կետը, Մասնակցի հայտը գնահատել է անբավարար և մերժել է՝ հրավերով սահմանված պահանջներին չհամապատասխանելու հիմքով և «Գնումների մասին» ՀՀ օրենքի 37-րդ հոդվածի 1-ին մասի 1-ին կետի համաձայն՝ գնման ընթացակարգը հայտարարել է չկայացած:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ «Նավասարդ Շինարար» ՍՊԸ-ի կողմից 17.09.2020թ.-ին ներկայացված բողոքն անհիմն է և ենթակա ամբողջությամբ մերժման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 2-րդ հոդվածի 1-ին մասի 9-րդ կետի համաձայն՝ հայտի ապահովումը նշված օրենքով նախատեսված դեպքերում մասնակցի կողմից հայտով ստանձնած պարտավորությունների կատարումն ապահովող միջոց է:

Օրենքի 32-րդ հոդվածի 1-ին մասի համաձայն՝ մասնակիցը հայտով, հրավերով սահմանված պահանջով ներկայացնում է հայտի ապահովում, որի չափը հավասար է հայտով առաջարկվող գնի մինչև հինգ տոկոսին: Հայտի ապահովումը ներկայացվում է միակողմանի հաստատված հայտարարության՝ տուժանքի կամ բանկային երաշխիքի կամ կանխիկ փողի ձևով: Կանխիկ փողի ձևով ներկայացված հայտի ապահովումը պահվում է լիազոր մարմնի անվամբ բացված գանձապետական հաշվում:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ.-ի թիվ 526-Ն որոշմամբ (30.07.2020թ.-ի թիվ 1275-Ն փոփոխություններով) հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի «ե» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է բավերով նախատեսված դեպքերում հայտի ապահովում: Եթե հայտի ապահովումը ներկայացվում է բանկային երաշխիքի ձևով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտատպված (սկանավորված) տարբերակը՝ պայմանով, որ դրա բնօրինակը գնահատող հանձնաժողովին ներկայացնում է մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն՝ ուղեկցող գրությամբ:

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի

ապահովման բնօրինակը, իսկ ընտրված մասնակից է ճանաչվում հաջորդող տեղ գրադեցրած մասնակիցը:

Վերոգրյալ իրավակարգավորումների լույսի ներքո, Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

Վերոգրյալ իրավանորմերի համալիր վերլուծությունը՝ գործով հաստատված փաստերի գնահատմամբ, թույլ է տալիս եզրակացնել, որ ՀՀ կրթության, գիտության, մշակույթի և սպորտի նախարարության կողմից կրթական օբյեկտների (Ալավերդու թիվ 5 ավագ դպրոց) հիմնանորոգման աշխատանքների ձեռքբերման նպատակով 19.08.2020թ.-ին հայտարարված «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթի հայտերի ներկայացման և հայտերի բացման վերջնաժամկետ է սահմանված եղել 04.09.2020թ.-ի ժամը 16:00 ներառյալ, որին մասնակցելու նպատակով հայտ ներկայացրած «Նավասարդ Շինարար» ՍՊԸ-ն թիվ 1 հավելվածով՝ գնման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ՀՀԿԳՄՍՆՀԲՄԱՇՁԲ-20/11» ծածկագրով հրատապ բաց մրցույթ հրավերով սահմանված մասնակցության իրավունքի պահանջներին և հրավերի պահանջներին համապատասխան ներկայացնում է հայտ և որպես հայտի ապահովում, գնահատող հանձնաժողովին է ներկայացրել «Կոնվերս Բանկ» ՓԲԸ-ի կողմից 03.09.2020թ.-ին տրամադրված բանկային երաշխիքի բնօրինակից արտատպված (սկանավորված) տարբերակը:

Հանձնաժողովը, 04.09.2020թ.-ի նիստի թիվ 2 արձանագրության 7.1-րդ կետով արձանագրել է, որ «Նավասարդ Շինարար» ՍՊԸ-ի կողմից հայտով ներկայացված երաշխիքի բնօրինակը հրավերով սահմանված կարգով և ժամկետով՝ մինչև 07.09.2020թ.-ը ժամը 17:00-ն, չի ներկայացվել Պատվիրատուին, ինչը չի համապատասխանում Կարգի 32-րդ կետի 1-ին ենթակետի «ե» պարբերության պահանջներին և համաձայն Մրցույթի հրավերի 4.3-րդ կետի 3-րդ ենթակետի՝ Մասնակցի հայտը գնահատվել է անբավարար և մերժվել է՝ հրավերով սահմանված պահանջներին չհամապատասխանելու հիմքով:

Ելնելով վերոնշյալ փաստական հանգամանքներից, դրանց՝ իրավական նորմերի հետ համադրման արդյունքում՝ Բողոքներ քննող անձը փաստում է, որ Կարգի 42-րդ կետն ուղղակիորեն սահմանում է մասնակցի հայտը անբավարար գնահատելու և մերժելու դեպքերը, ներառյալ այն, երբ մասնակիցը Կարգի 32-րդ կետի 1-ին մասի «ե» պարբերությամբ սահմանված, մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը, ուստի տվյալ դեպքում գնահատող հանձնաժողովի կողմից «Նավասարդ Շինարար» ՍՊԸ-ի հայտն անբավարար գնահատելու և մերժելու մասին կայացված որոշումն իրավաչափ է և բխում է Կարգի 42-րդ կետով և 32-րդ կետի 1-ին մասի «ե» պարբերությամբ սահմանված պահանջներից:

Անդրադառնալով Ընկերության բողոքով ներկայացված գնումների հետ կապված բողոքներ քննող անձի կողմից նախկինում քննված թիվ ԱՅ-ԼՕ-2020/96 ընթացակարգի շրջանակներում կայացված որոշմամբ արտահայտած իրավական դիրքորոշմանը, ապա Բողոքներ քննող անձը հարկ է համարում նշել, որ այն կիրառելի չէ, քանի որ նշված ընթացակարգը նախաձեռնվել է և քննությունն էլ իրականացվել է ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի ՀՀ կառավարության 10.10.2019թ.-ի թիվ 1422-Ն որոշմամբ առկա դրույթների հիման վրա, իսկ սույն բողոքի քննության շրջանակներում կիրառման ենթակա է ՀՀ կառավարության 21.05.2020թ.-ին թիվ 778-Ն որոշմամբ հաստատված դրույթների փոփոխությունները:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, Բողոքներ քննող անձը հանգում է այն եզրակացության, որ «Նավասարդ Շինարար» ՍՊԸ-ի կողմից բողոքով բերված փաստերն ու հանգամանքներն անհիմն են, իսկ գնահատող հանձնաժողովի կողմից «Նավասարդ Շինարար» ՍՊԸ-ի հայտն անբավարար գնահատելու և մերժելու մասին

կայացված որոշումն իրավաչափ է, որպիսի պայմաններում Կարգի 41-րդ կետով սահմանված պահանջների խախտում առկա չէ:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը,

Ո Ր Ո Շ Ե Ց

«Նավասարդ Շինարար» ՍՊԸ-ի կողմից 17.09.2020թ.-ին ներկայացված ԳԲԲԱ-ԼՕ-2020/104 ծածկագրով բողոքը մերժել ամբողջությամբ՝ անհիմն լինելու պատճառաբանությամբ:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆԶ՝**

ԼԵՎՈՆ ՕՎԱՆՅԱՆ

